



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԳՆ ՈՍՏԻԿԱՆՈՒԹՅՈՒՆ  
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

N21/ 5787

Ձեր \_\_\_\_\_

« 30 » 10 2023թ.

**Սերոբ Բարսեղյանին**

Հասցե՝ ք. Երևան, Բաշինջաղյան փ., 175 շ., 1 բն.

**Հարգելի՛ պարոն Բարսեղյան,**

Ուղարկում եմ Ձեր դիմումի հիման վրա ՀՀ ՆԳՆ ոստիկանության իրավաբանական վարչությունում հարուցված բողոքարկման վարույթի արդյունքում ընդունված որոշման օրինակը:

Առդիր՝ « 3 » թերթ:

**Պեպ,**

**ոստիկանության գնդապետ**

**Ռ. Մարանդյան**

« ՀԱՄԱԶԱՅՆ ԵՄ »

ՀՀ ՆԳՆ ոստիկանության իրավաբանական վարչության  
պետ, ոստիկանության գնդապետ  
Ռ. Մարանդյան  
« 30 » հոկտեմբերի 2023թ.

Ո Ր Ո Շ ՈՒ Մ 758

/բողոքը բավարարելու մասին/

« 30 » հոկտեմբերի 2023թ.

ք.Երևան

ՀՀ ՆԳՆ ոստիկանության իրավաբանական վարչության իրավական պաշտպանության բաժնի ավագ տեսուչ, ոստիկանության կապիտան Ա. Հարությունյանս, ուսումնասիրելով Սերոբ Մնացականի Մարտիրոսյանի (այսուհետ՝ Դիմող) ՀՀ ոստիկանության Գեղարքունիքի մարզային վարչության Մարտունու բաժնի (այսուհետ՝ Բաժին) վարչական ակտը վերանայելու մասին դիմումը.

#### Պ Ա Ր Զ Ե Ց Ի

ՀՀ ՆԳՆ ոստիկանության իրավաբանական վարչություն է ստացվել Դիմողի 07.09.2023թ. բողոքը: «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի համաձայն՝ հարուցվել է վարչական բողոքարկման վարույթ, նշանակվել է վարչական լսում, որին Դիմողը պատշաճ ծանուցվել է, սակայն չի ներկայացել:

#### Բողոքի առարկան

Դիմողը խնդրել է վերացնել ՀՀ ոստիկանության Գեղարքունիքի մարզային վարչության Մարտունու բաժնի կողմից իր նկատմամբ կայացված թիվ 454 որոշումը:

#### Վարույթի համար նշանակություն ունեցող փաստերը.

- 07.07.2023թ. Դիմողի նկատմամբ կազմվել է վարչական իրավախախտման վերաբերյալ թիվ 454 արձանագրությունը: Արձանագրվել է ՀՀ վարչական իրավախախտումների վերաբերյալ օրենսգրքի (այսուհետ՝ Օրենսգիրք) 173.2 հոդվածի 1-ին մասով նախատեսված իրավախախտում:
- ՀՀ ոստիկանության Գեղարքունիքի մարզային վարչության Մարտունու բաժնի պետի կողմից Դիմողի նկատմամբ 19.07.2023թ. կայացվել է վարչական իրավախախտման գործի վերաբերյալ թիվ 454 որոշումը, որով Դիմողը Օրենսգրքի 173.2 հոդվածի 1-ին մասով նախատեսված արարք կատարելու համար ենթարկվել է վարչական պատասխանատվության նվազագույն աշխատավարձի հիսնապատիկի՝ 50.000 ՀՀ դրամի չափով:



### Կիրառելի իրավունքը (օրենքը)

Սույն բողոքի նկատմամբ կիրառելի են «Վարչարարության հիմունքների և վարչական վարույթի մասին» ՀՀ օրենքը, Վարչական իրավախախտումների վերաբերյալ ՀՀ օրենսգիրքը (այսուհետ՝ Օրենսգիրք) և «Ծխախոտային արտադրատեսակների և դրանց փոխարինիչների օգտագործման հետևանքով առողջությանը հասցվող վնասի նվազեցման և կանխարգելման մասին» ՀՀ օրենքը (այսուհետ՝ Օրենք):

### Վարույթի արդյունքում արված եզրահանգումները

Օրենսգրքի 173.2-րդ հոդվածի 1-ին մասի համաձայն՝ Օրենքով սահմանված ծխախոտային արտադրատեսակի կամ ծխախոտային արտադրատեսակի փոխարինիչների օգտագործման կամ օգտագործման սահմանափակման արգելքը խախտելը, բացառությամբ սույն օրենսգրքի 135.1-ին և 135.2-րդ հոդվածներով սահմանված դեպքերի՝ առաջացնում է տուգանքի նշանակում պաշտոնատար անձի նկատմամբ՝ սահմանված նվազագույն աշխատավարձի հարյուրիսնապատիկից երկուհարյուրապատիկի չափով, իսկ ֆիզիկական անձի նկատմամբ՝ հիսնապատիկի չափով:

«Ծխախոտային արտադրատեսակների և դրանց փոխարինիչների օգտագործման հետևանքով առողջությանը հասցվող վնասի նվազեցման և կանխարգելման մասին» օրենքի 6-րդ հոդվածի 1-ին մասի «բ» ենթակետի համաձայն՝ **«Արգելվում է ծխախոտային արտադրատեսակների, ծխախոտային արտադրատեսակների փոխարինիչների (բացառությամբ բժշկական նպատակով օգտագործվող ծխախոտային արտադրատեսակների փոխարինիչների) նախադպրոցական, հանրակրթական ուսումնական հաստատությունների, նախնական արհեստագործական և միջին մասնագիտական ուսումնական, բարձրագույն և հետբուհական ուսումնական հաստատություններում և դրանց շենքերի մուտքերից ուղիղ գծով մինչև հինգ մետր հեռավորության վրա:**

Նյութերի ուսումնասիրությունից երևում է, որ Դիմողը 07.07.2023թ. գտնվելով Մարտունի քաղաքի ավտոդպրոցի մուտքի դիմաց ծխել է ծխախոտ, ինչի կապակցությամբ ենթարկվել է վարչական պատասխանատվության՝ Օրենսգրքի 173.2-րդ հոդվածի 1-ին մասով նախատեսված կարգով, այնինչ Օրենքի 6-րդ հոդվածի 1-ին մասի «բ» ենթակետի պահանջներից հստակ է, որ ծխախոտային արտադրատեսակների կամ դրանց փոխարինիչների օգտագործումը **արգելված է** նախադպրոցական, հանրակրթական ուսումնական հաստատությունների, նախնական արհեստագործական և միջին մասնագիտական ուսումնական, բարձրագույն և հետբուհական ուսումնական հաստատություններում և դրանց շենքերի մուտքերից ուղիղ գծով մինչև հինգ մետր հեռավորության վրա, իսկ **ավտոդպրոցի** շենքի մուտքից ուղիղ գծով մինչև հինգ մետր հեռավորության վրա ծխելու վերաբերյալ որևէ օրենսդրական արգելք սահմանված չէ, հետևաբար՝ Դիմողի կողմից Օրենսգրքով նախատեսված որևէ զանցանք չի կատարվել:

Օրենքի 63-րդ հոդվածի 1-ին մասի համաձայն՝ «Անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է՝ օրենքի խախտմամբ, այդ թվում՝ օրենքի

սխալ կիրառման կամ սխալ մեկնաբանման հետևանքով»: Նույն հոդվածի 2-րդ մասը սահմանում է՝ «Սույն հոդվածի 1-ին մասով նախատեսված ոչ իրավաչափ վարչական ակտը կարող է անվավեր ճանաչվել այդ ակտն ընդունող վարչական մարմնի կամ դրա վերադաս մարմնի կողմից, ինչպես նաև դատական կարգով»:

Նկատի ունենալով վերոնշյալը՝ գտնում եմ, որ Բաժնի ծառայողի գործողությունները սույն փաստական հանգամանքերի առկայության պարագայում եղել են ոչ իրավաչափ, ինչի արդյունքում կայացվել է ոչ իրավաչափ վարչական ակտ:


Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 2-րդ մասով և 76-րդ հոդվածի 1-ին մասի «ա» կետով և 4-րդ մասով՝

### Ո Ր Ո Շ Ե Ց Ի

1. Բողոքը բավարարել՝ Բաժնի թիվ 454 որոշումը ճանաչել անվավեր:
2. Որոշման օրինակը 3-օրյա ժամկետում ուղարկել կողմերին:
3. Սույն վարչական ակտը կարող է բողոքարկվել ՀՀ վարչական դատարան՝ ՀՀ վարչական դատավարության օրենսգրքի 72-րդ հոդվածով նախատեսված ժամկետներում:

**ՀՀ ոստիկանության իրավաբանական**

**վարչության իրավական պաշտպանության բաժնի**

**ավագ տեսուչ, ոստիկանության կապիտան** 

**Ա. Հարությունյան**






ՀՀ ԱԳՆ Ոստիկանություն: կենտրոնական ապարատ

Armenia ԵՐԵՎԱՆ ԵՐԵՎԱՆ Նախնական 130

0025

21/5787

31.10.2023



L0111939506AM

0112

|                                   |      |
|-----------------------------------|------|
| ՀԱՏԱԴՐՈՒԹՅՈՒՆ                     | 0015 |
| RETURN                            |      |
| <input type="checkbox"/> ԿԱՐԴԱՆ   |      |
| <input type="checkbox"/> ՏՈՒՆԱԿԱՆ |      |
| <input type="checkbox"/> ԵՐԵՎԱՆ   |      |
| <input type="checkbox"/> ԵՐԵՎԱՆ   |      |
| ՀԱՏԱԴՐՈՒԹՅՈՒՆ / RETURN            |      |

ՄԵՐՈՒ ՔԱՐԴԱՆԱՆ  
Armenia ԵՐԵՎԱՆ ԵՐԵՎԱՆ ՔԱՐԴԱՆԱՆ 175 100